



SULEQATIGIISITSISUT  
SAMARBEJDSPARTIET

UPA2019/58 aamma 181

Tillie Martinussen

22. marts 2019 – Siullermeerneqarnera

**Immiaaqqat aalakoornartortaqaangitsut eqqunneqarsinnaaleqqullugit nioqqutaalersinnaaqqullugillu immiaaqqat imeruersaatillu puui pillugit nalunaarummut (Immiaaqqat imeruersaatillu kulsyrimik akullit puui pillugit Namminersornerullutik Oqartussat nalunaarutaannut nr. 16, 28. maj 2002-imeersumut) ilaajunnaarseqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.**

(Inatsisartunut ilaasortaq Justus Hansen, Demokraatit)

(Siullermeerneqarnera)

**Immiaaqqat imeruersaatillu qillertusaniittut Kalaallit Nunaanni tamarmi nioqqutaalersinnaaqqullugillu immiaaqqat imeruersaatillu puui pillugit nalunaarut allanngorteqqullugu Naalakkersuisut peqquneqarnissaannik Inatsisartut aalajangiiffigisassaattut siunnersuut, taamaasilluni qillertuusat aamma kalaallit nunaanni utertitsisarnermut ilaalersillugit.**

(Inatsisartunut ilaasortaq Nivi Olsen, Demokraatit)

(Siullermeerneqarnera)

Immiaaqqat imeruersaatillu puui pillugit nalunaarut eqqarsaatigalugu tusarneqaaq Naalakkersuisut kiisami immikkoortumi qillertusani atueqqittarnissaq pillugu saqqummiussimmata Nuuk Imiup utertittagaatai kisiisa eqqarsaatiminiitinnagit.

Pingaaruteqarpoq avatangiisitta mingutsinninnissaat aamma paarlattuanik sapinngisamik mingutsitsinerup akiorneqarnissaa.

Misissuinermut oqaatigineqartumut atatillugu akissuteqaatit takusagut nuannaarutigaaqut tassungalu atatillugu Naalakkersuisunut apeqqtigerusullugu, immikkoortoq pillugu tigussaanagerusunik Inatsisartut saqqummiussivigineqarnissartik qaqugu naatsorsuutigisinnaassaneraat?

Naalakkersuisut aalajangersinnaavaat nutaamik utertitseriaatsimik eqqussiniarnerlutik inuutissarsiortunut akitsorsaataangitsumik maskiinanik atugassanik pissarsinissaq eqqarsaatigalugu, nalginnaasumilli eqqagalerineq atorlugit, ikaarsarfimmi, immaqqa utertitseriaatsimik nutaamik atuisoqalernissaata tungaanut.



**SULEQATIGIISITSISUT  
SAMARBEJDSPARTIET**

Siunnersuutip matuma akuerineqarneranut atatillugu tamanna pineqartumut atatillugu kaammattuutigerusupparput.

Taamaattumik aamma innersuussutigaarput siunnersuut manna 2020-mi aatsaat suliarineqassasoq, Naalakkersuisulli peqquneqassasut misissuinerit pineqartumut tunngasut inernerit saqqummiutissagaat kingusinnerpaamik 2020-mi upernaakkut ataatsimiinnermi taamaasillunilu tassani siunnersuutit pineqartut marluk aappassaaneernissaa pingajussaaneernissaalu ingerlallugit.

Tamanna pisinnaappat siunnersuutit akuerissavagut, innersuussutigissalluguli avatangiisinut tunngasortai utaqqiisaa ataatsimiititaliami suliarineqassasut taamaattumik innersuussutigaarput aappassaaneerneqarnissaa pingajussaaneerneqarnissaalu kinguartinneqarallassasut. Taamatut oqaaseqarluta inassutigaarput siunnersuutit ataatsimiititaliamut susassaqartumut ingerlateqqinneqassasut suliareqqitassanngorlugit.